



Захиргааны хэм хэмжээний
актын улсын нэгдсэн санд
2018 оны 06 сарын 25-ны
өдрийн 3917 дугаар дэ Суртгав.

МОНГОЛ УЛС
САНХҮҮГИЙН ЗОХИЦУУЛАХ ХОРООНЫ
ТОГТООЛ

2018 оны 6 сарын 06 өдөр

Дугаар 211

Улаанбаатар хот

“Жолоочийн даатгалын хураамжийн хэмжээг тооцох
итгэлцүүр хэрэглэх журам”-ыг шинэчлэн батлах тухай

Санхүүгийн зохицуулах хорооны эрх зүйн байдлын тухай хуулийн 6 дугаар зүйлийн
6.1.2, Жолоочийн даатгалын тухай хуулийн 11 дүгээр зүйлийн 11.2 дахь хэсгийг тус тус
үндэслэн ТОГТООХ нь:

1. “Жолоочийн даатгалын хураамжийн хэмжээг тооцох итгэлцүүр хэрэглэх журам”-
ыг хавсралтаар баталсугай.
2. Тогтоол хүчин төгөлдөр мөрдөгдөж эхэлсэн өдрөөс эхлэн Санхүүгийн зохицуулах
хорооны 2011 оны 331, 2012 оны 29 дүгээр тогтоолыг тус тус хүчингүй болсонд тооцсугай.
3. Тогтоолын хэрэгжилтэд хяналт тавьж, олон нийтэд мэдээлэхийг Ажлын алба
/Т.Жамбаажамц/-нд даалгасугай.



ДАРГА

С.ДАВААСҮРЭН

ЖОЛООЧИЙН ДААТГАЛЫН ХУРААМЖИЙН ХЭМЖЭЭГ ТООЦОХ ИТГЭЛЦҮҮР ХЭРЭГЛЭХ ЖУРАМ

Нэг. Нийтлэг үндэслэл

1.1.Энэхүү журмын зорилго нь Жолоочийн даатгалын тухай хуулийн дагуу даатгуулагчийн төлөх хураамжийн хэмжээг тооцохтой холбогдсон харилцааг зохицуулахад оршино.

1.2.Энэхүү журам нь Даатгалын тухай хууль, Жолоочийн даатгалын тухай хууль болон Санхүүгийн зохицуулах хороо /цаашид “Хороо” гэх/-ноос гаргасан даатгалын багц дүрмийн хүрээнд мөрдөгдөнө.

Хоёр. Жолоочийн даатгалын хураамжийн хэмжээг тооцоход хэрэглэх итгэлцүүр

[/Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/](#)

2.1.Жолоочийн даатгалын хураамжийн хэмжээг тооцоходоо Жолоочийн даатгалын тухай хуулийн 10 дугаар зүйлд заасан суурь хураамж, мөн хуулийн 11 дүгээр зүйлд заасан итгэлцүүрийг хэрэглэнэ.

2.2.Тээврийн хэрэгслийг ашиглах газар нутгийн байршлаас хамаарах итгэлцүүр (И₁).

2.2.1.И₁ нь дараах хэмжээтэй байна:

Тээврийн хэрэгслийг ашиглах газар нутгийн байршил	И ₁
Улаанбаатар хот, Дархан-Уул, Орхон аймаг	1.2
Бусад аймаг, хот	1.0

2.2.2.тээврийн хэрэгслийг ашиглах газар нутгийн байршлыг тогтоохдоо тээврийн хэрэгслийн гэрчилгээнд бичигдсэн газар нутгийн байршлыг үндэслэнэ;

2.2.3.дамжин өнгөрөх болон түр хугацаагаар Монгол Улсын нутаг дэвсгэрт орж ирж байгаа тээврийн хэрэгслийн жолоочийн даатгалын газар нутгийн байршлаас хамаарах итгэлцүүр И₁=1.5 байна.

2.3.Өмнөх 1 /нэг/ жилийн хугацаанд даатгуулагчийн буруугаас үүссэн даатгалын тохиолдлын тоо, олгосон нөхөн төлбөрийн хэмжээнээс хамаарах итгэлцүүр (И₂).

2.3.1.И₂ нь дараах хэмжээтэй байна:

Даатгуулагчийн 365 хоногийн өмнөх И ₂ -ийн утга /Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/	Өмнөх 365 хоногт даатгуулагчийн буруугаас үүссэн даатгалын тохиолдлын тоо, олгосон нөхөн төлбөрийн хэмжээнээс хамаарах итгэлцүүр И ₂ /Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/											
	1 удаа олгосон нөхөн төлбөрийн нийт хэмжээ /мян.төг/				2 удаа олгосон нөхөн төлбөрийн нийт хэмжээ /мян.төг/				3 болон түүнээс дээш удаа олгосон нөхөн төлбөрийн нийт хэмжээ /мян.төг/			
	Нөхөн төлбөр олгоогүй	200.0 хүргэлх	500.0 хүргэлх	1000.0 хүргэлх	1000.0-ээс дээш	200.0 хүргэлх	500.0 хүргэлх	1000.0 хүргэлх	1000.0 –с дээш	200.0 хүргэлх	500.0 хүргэлх	1000.0 хүргэлх

2.45	2.3	2.45	2.45	2.45	2.45	2.45	2.45	2.45	2.45	2.45	2.45	2.45	2.45
2.3	1.55	2.45	2.45	2.45	2.45	2.45	2.45	2.45	2.45	2.45	2.45	2.45	2.45
1.55	1.4	2.3	2.45	2.45	2.45	2.45	2.45	2.45	2.45	2.45	2.45	2.45	2.45
1.4	1	1.55	2.3	2.45	2.45	2.45	2.45	2.45	2.45	2.45	2.45	2.45	2.45
1	0.95	1.4	1.55	2.3	2.45	2.45	2.45	2.45	2.45	2.45	2.45	2.45	2.45
0.95	0.9	1	1.4	1.55	2.3	2.45	2.45	2.45	2.45	2.45	2.45	2.45	2.45
0.9	0.85	0.95	1	1.4	1.55	2.3	2.45	2.45	2.45	2.45	2.45	2.45	2.45
0.85	0.8	0.9	0.95	1	1.4	1.55	2.3	2.45	2.45	2.45	2.45	2.45	2.45
0.8	0.75	0.85	0.9	0.95	1	1.4	1.55	2.3	2.45	2.45	2.45	2.45	2.45
0.75	0.7	0.8	0.85	0.9	0.95	1	1.4	1.55	2.3	2.45	2.45	2.45	2.45
0.7	0.65	0.75	0.8	0.85	0.9	0.95	1	1.4	1.55	2.3	2.45	2.45	2.45
0.65	0.6	0.7	0.75	0.8	0.85	0.9	0.95	1	1.4	1.55	2.3	2.45	2.45
0.6	0.55	0.65	0.7	0.75	0.8	0.85	0.9	0.95	1	1.4	1.55	2.3	2.45
0.55	0.5	0.6	0.65	0.7	0.75	0.8	0.85	0.9	0.95	1	1.4	1.55	2.3
0.5	0.5	0.55	0.6	0.65	0.7	0.75	0.8	0.85	0.9	0.95	1	1.4	1.55

2.3.2.И₂ итгэлцүүрийг жолоочийн даатгалын гэрээ байгуулах тухай бүрт энэ журмын 2.3.1-т заасны дагуу тооцно;

2.3.3.даатгалын тохиолдлын тоо, олгосон нөхөн төлбөрийн хэмжээг өссөн дүнгээр тооцно;

2.3.4.даатгалын тохиолдол, олгосон нөхөн төлбөрийн хэмжээг бүртгэхдээ тээврийн хэрэгслийг жолоодож явсан жолоочийн түүх дээр бүртгэнэ;

2.3.5.жолоочийн даатгалын гэрээ байгуулахад И₂ итгэлцүүрийг даатгуулагчийн 365 хоногийн өмнөх итгэлцүүр И₂ болон өмнөх 365 хоногийн даатгуулагчийн даатгалын тохиолдлын тоо, олгосон нөхөн төлбөрийн хэмжээнээс хамааруулж энэ журмын 2.3.1-т заасны дагуу тогтооно; [/Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/](#)

2.3.6.жолоочийн даатгалын гэрээг анх удаа байгуулж байгаа болон тухайн тээврийн хэрэгслийг жолоодох жолоочийн тоог хязгаарлаагүй тохиолдолд даатгуулагчийн итгэлцүүр И₂=1 байна. Тээврийн хэрэгслийг хэд хэдэн жолооч ашиглах бол тэдгээрийн хамгийн өндөр итгэлцүүрийг И₂ гэж тооцно;

2.3.7.даатгуулагчийн 365 хоногийн өмнөх И₂ итгэлцүүрийг тухайн гэрээ байгуулж буй хугацаанаас 365 хоногийн өмнөх эсхүл 365 хоногийн өмнөх хугацаанаас өмнө хамгийн ойр хугацааны И₂ итгэлцүүрээр тогтооно. [/Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/](#)

2.4.Даатгуулагчийн нас, тээврийн хэрэгсэл жолоодох туршлагаас хамаарах итгэлцүүр (И₃)

2.4.1.И₃ нь дараах хэмжээтэй байна:

Даатгуулагчийн нас, автотээврийн хэрэгсэл жолоодох туршлага		И ₃
25 хүртэлх насны	3 жил хүртэлх туршлагатай	1.2
	3 болон түүнээс дээш жилийн туршлагатай	1.15
25 болон түүнээс дээш насны	3 жил хүртэлх туршлагатай	1.1
	3 болон түүнээс дээш жилийн туршлагатай	1.0

2.4.2.Даатгалын гэрээнд тээврийн хэрэгслийн жолоочийн тоог хязгаарлаагүй тохиолдолд И₃=1.2 байна.

2.4.3.даатгалын гэрээнд тээврийн хэрэгслийг хэд хэдэн жолооч ашиглах бол тэдгээрийн хамгийн өндөр итгэлцүүрийг И₃ гэж тооцно.

2.4.4.тээврийн хэрэгслийн өмчлөгч нь хуулийн этгээд бол И₃=1.2 байна. [/Энэ зүйлд СЗХ-ны 2020 оны 165 дугаар тогтоолоор нэмэлт, өөрчлөлт орсон/](#)

2.5. Даатгалын гэрээний хугацаанаас хамаарах итгэлцүүр (I_n).

2.5.1. Монгол улсад бүртгэлтэй тээврийн хэрэгслийн жолоочийн даатгалын гэрээний хугацаа /1 жил/-аас хамаарах итгэлцүүр $I_n=1$ хэмжээтэй байна.

2.5.2. Гадаад улсад бүртгэлтэй буюу дамжин өнгөрөх болон түр хугацаагаар Монгол Улсын нутаг дэвсгэрт орж ирж байгаа тээврийн хэрэгслийн жолоочийн даатгалын гэрээний хугацаанаас хамаарах итгэлцүүр I_n нь дараах хэмжээтэй байна:

Гадаад улсад бүртгэлтэй тээврийн хэрэгслийн жолоочийн даатгалын гэрээний хугацаа	I_n
2 сар хүртэл	1.3
2 сараас 3 сар хүртэл	1.6
3 сараас 4 сар хүртэл	1.9
4 сараас 5 сар хүртэл	2.1
5 сараас 6 сар хүртэл	2.4

2.6. Даатгуулагч даатгалын хураамжийн хэмжээг журамд зааснаас доогуур тогтоосон, эсхүл даатгалын нөхөн төлбөрийг нэмэгдүүлэхэд нөлөөлөхүйц худал мэдүүлэг санаатай өгсөн нь тогтоогдвол тус даатгалын гэрээ дууссаны дараа байгуулсан гэрээний даатгалын хураамжийг $I_n=1.3$ итгэлцүүрээр нэмэгдүүлж тооцно.

2.7. Тээврийн хэрэгслийг ашиглах жолоочийн тооноос хамаарах итгэлцүүр (I_n)

2.7.1. I_n нь дараах хэмжээтэй байна:

Тээврийн хэрэгсэл ашиглах жолоочийн тоог хязгаарласан эсэх	I_n
Гэрээнд жолоочийн тоог зааж, нэр дурдсан	1.0
Гэрээнд жолоочийн тоог хязгаарлаагүй	1.5

2.8. Тээврийн хэрэгслийн даац, зорчигчийн суудлын тоо, хөдөлгүүрийн хүчин чадлаас хамаарах итгэлцүүр (I_n).

2.8.1. I_n нь дараах хэмжээтэй байна:

Тээврийн хэрэгслийн ангилал, даац, зорчигчийн суудлын тоо, хөдөлгүүрийн хүчин чадал		I_n
<u>В ангилал</u> <i>Хөдөлгүүрийн багтаамж /см³/</i>	-1000 хүртэл	0.9
	-1001-2000	1.0
	-2001-3000	1.1
	-3001-4000	1.2
	-4001-с дээш	1.3
<u>С ангилал</u> <i>Тээврийн хэрэгслийн даац</i>	-8 тонн хүртэлх даацтай	1.0
	-8 болон түүнээс дээш тоннын даацтай	1.3
<u>Д ангилал</u> <i>Суудлын тоо</i>	-16 хүртэлх зорчигчийн суудалтай	1.0
	-16 болон түүнээс дээш зорчигчийн суудалтай	1.3

2.8.2. Гадаад улсад бүртгэлтэй буюу дамжин өнгөрөх болон түр хугацаагаар Монгол Улсын нутаг дэвсгэрт орж ирж байгаа тээврийн хэрэгслийн даац, зорчигчийн суудлын тоо, хөдөлгүүрийн хүчин чадлаас хамаарах итгэлцүүр I_n дараах хэмжээтэй байна:

Тээврийн хэрэгслийн ангилал, даац, зорчигчийн суудлын тоо, хөдөлгүүрийн хүчин чадал		I_n
<u>В ангилал</u> <i>Хөдөлгүүрийн багтаамж /см³/</i>	-1000 хүртэл	1.0
	-1001-2000	1.3
	-2001-3000	1.6
	-3001-4000	1.9
	-4001-с дээш	2.1
<u>С ангилал</u>	-10 тонн хүртэлх даацтай	1.0

Тээврийн хэрэгслийн даац	-10-аас 20 хүртэлх тоннын даацтай	1.5
	-20-иос 40 хүртэлх тоннын даацтай	2.0
	-40 болон түүнээс дээш тоннын даацтай	3.0
D ангилал Суудлын тоо	-15 хүртэлх зорчигчийн суудалтай	1.0
	-16-аас 33 хүртэлх зорчигчийн суудалтай	2.0
	-33 болон түүнээс дээш зорчигчийн суудалтай	3.0

2.8.3.И- итгэлцүүрийг тогтоохдоо В, С болон D ангиллын тээврийн хэрэгслийн жолоочийн даатгалд энэхүү журмын 2.8.1, 2.8.2-т заасан хүснэгтийг үндэслэнэ.

2.8.4.“А” болон “механизм” ангиллын тээврийн хэрэгслийн хувьд $I_1=1$ байхаар тооцно.

2.9.Тээврийн хэрэгслийн зориулалтаас хамаарах итгэлцүүр (I_2).

2.9.1. I_2 нь дараах хэмжээтэй байна:

Тээврийн хэрэгслийн зориулалт	I_2
Хувийн	1.0
Хуулийн этгээдийн	1.5

2.9.2.тээврийн хэрэгслийн зориулалтыг тогтоохдоо тээврийн хэрэгслийн гэрчилгээнд дурдсан өмчлөгчийн мэдээллийг үндэслэнэ.

2.10.Чиргүүлтэй эсэхээс хамаарах итгэлцүүр (I_3).

2.10.1. I_3 нь дараах хэмжээтэй байна:

Чиргүүлтэй эсэх	I_3
Чиргүүлгүй	1.0
Чиргүүлтэй	1.2

Гурав. Жолоочийн даатгалын хураамжийн хэмжээг тооцох

3.1.Жолоочийн даатгалын хураамжийн хэмжээг тооцохдоо дараах хүснэгтийг ашиглана:

	Даатгалын хураамжийн төрөл	Даатгалын хураамжийг тооцох томъёо
1	Мэргэшсэн болон С, D ангиллын жолоочийн даатгалын хураамж	$X = X_0 \times I_1 \times I_2 \times I_3 \times I_4 \times I_5$
2	Хувь хүний нэр дээр бүртгэлтэй тээврийн хэрэгслийн жолоочийн даатгалын хураамж	$X = X_0 \times I_1 \times I_2 \times I_3 \times I_4 \times I_5 \times I_6 \times I_7 \times I_8 \times I_9$
3	Хуулийн этгээдийн нэр дээр бүртгэлтэй тээврийн хэрэгслийн жолоочийн даатгалын хураамж	$X = X_0 \times I_1 \times I_2 \times I_3 \times I_4 \times I_5 \times I_6 \times I_7 \times I_8 \times I_9$
4	Дамжин өнгөрөх болон түр хугацаагаар Монгол Улсын нутаг дэвсгэрт орж ирж байгаа тээврийн хэрэгслийн жолоочийн даатгалын хураамж	$X = X_0 \times I_1 \times I_2 \times I_3 \times I_4 \times I_5 \times I_6 \times I_7 \times I_8 \times I_9$

3.2.Энэ журмын 3.1-д заасан X_0 нь Жолоочийн даатгалын тухай хуулийн 10 дугаар зүйлд заасан даатгалын суурь хураамж байна.

3.3.Энэ журмын 3.1-д заасан $I_1, I_2, I_3, I_4, I_5, I_6, I_7, I_8, I_9$ -д энэ журмын 2.2-2.10-т заасан итгэлцүүрийг ойлгоно.

Дөрөв. Хяналт, хариуцлага

4.1.Хороо энэ журмын биелэлтэд хяналт тавих бөгөөд зөрчсөн этгээдэд холбогдох хууль тогтоомжид заасны дагуу хариуцлага хүлээлгэнэ.